



Razgovarali smo o Oprosnom hadžu dok je Vjerovjesnik, sallallahu alejhi ve sellem, bio među nama, a nismo ni znali šta je to Oprosni hadž.

Prenosi se da je Ibn Omer, radijallahu 'anhu, kazao: „Razgovarali smo o Oprosnom hadžu dok je Vjerovjesnik, sallallahu alejhi ve sellem, bio među nama, a nismo ni znali šta je to Oprosni hadž. On je tada zahvalio Allahu i izrekao Mu pohvalu, a zatim spomenuo Mesiha

Dedždžala (lažnog Mesiha), oduživši priču o njemu. 'Allah nije poslao nijednog vjerovjesnika', rekao je, 'a da nije upozoravao svoj narod na njega. Na njegaje upozorio Nuh, alejhis-selam, a i vjerovjesnici poslike njega. On će se pojaviti među vama: pa ako vam je nešto o njemu nepoznato - pa nije vam nepoznato da Gospodar vaš nije nepoznat', reče on, i dodade: 'Uistinu Gospodar vaš nije čorav, a on je čorav u desno oko, kao da mu je oko isturena boba grožđa.' Allah je vašu krv i imetke učinio svetim kao što je svetim učinio ovaj dan u ovome gradu i ovome mjesecu. Jesam li vam dostavio?' Rekli su: 'Jesi.' A onda tri puta ponovi: 'Budi mi Allahu svjedok da sam dostavio. Teško vama. Nemojte se nakon mene vraćati u nevjerovanje ubijajući jedni druge.'"

[Vjerodostojan] [Muttefekun alejh]

Abdullah b. Omer, radijallahu 'anhuma, kazao je: "Dok je još Poslanik, sallallahu alejhi ve sellem, bio živ, pitali smo se šta je to Oprosni hadždž? Nismo znali šta je Oprosni hadždž. To je, ustvari, hadždž kojeg je Poslanik, sallallahu alejhi ve sellem, obavio desete godine po hidžri, kada se Poslanik, sallallahu alejhi ve sellem, oprostio od ljudi. Spomenuo je Mesiha Dedždžala, naglasivši njegovu opasnost i upozorenje na njega. Zatim je kazao da su svi poslanici upozoravali na Dedždžala, i naglašavali njegovu opasnost. Dedžal vam nije nepoznat, jer vaš Gospodar nije čorav, dok je Dedždžal čorav u desno oko koje je kao ispupčeni grozd. Zatim je Poslanik, sallallahu alejhi ve sellem, kazao: "Allah vam je zabranio prolivanje krvi (ubijanje), bespravno uzimanje tuđeg imetka, što vam je učinio svetim Dan klanja kurvana, Mekku i mjesec zul-hidždže." Zatim je kazao: "Da li sam vam dostavio" ono što mi je naređeno da vam dostavim? Oni su kazali: "Jesi." A on reče: "Allahu, budi svjedok." Zatim je naredio da se nakon njega ne vraćaju u nevjerovane ubijajući jedni druge."

النّجّات الخيريّة
ALNAJAT CHARITY

